



АКАФИСТ
ТРЕМ СВЯТИТЕЛЯМ:
ВАСИЛИЮ ВЕЛИКОМУ,
ГРИГОРИЮ БОГОСЛОВУ
И ИОАННУ ЗЛАТОУСТУ



**Акафист трем святителям:
Василию Великому,
Григорию Богослову
и Иоанну Златоусту**



МОСКВА
2015

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р 15-403-3046)*

А38 Акафист трем святителям: Василию Великому, Григорию Богослову и Иоанну Златоусту. — М.: Благовест, 2015. — 48 с.

**УДК 243
ББК 86.372**

ISBN 978-5-9968-0423-8

© Издательство «Благовест» —
текст, оформление, оригинал-
макет, 2015



**АКАФИСТ ТРЕМ СВЯТИТЕЛЯМ:
ВАСИЛИЮ ВЕЛИКОМУ,
ГРИГОРИЮ БОГОСЛОВУ
И ИОАННУ ЗЛАТОУСТУ**

Кондак 1

Избрáннии светíльницы Цérкви Христо́вы, Васи́лие, Григóрие и Иоáнне, учёньми ва́шими мир просветíвшийи и вся шата́ния ересей и ху́льных смущéния угасíвшийи; яко ходáтаи спасéния на́шего сýще, моли́твами ва́шими сохранíte ны от всяких бед и вéчных мук, да с ра́достью благодаря́ще вопиём вам:



Ра́дуйтесь, тріе святітелие, ве-
ліцыи и вселѣнстии учітелие.

Икос 1

А́нгели земніи и челове́цы
Небе́снии, святітелие Христо́вы
и отцы́ треблаже́ннии, побóрни-
цы Живонача́льныя Трѳицы, от
Нея́ свѣтом трисѳлечным осия́емии и моля́щиися непре-
ста́нно у престо́ла Триипоста́с-
наго Божества́ о душа́х на́ших,
услы́шите ны от се́рдца к вам
взыва́ющія:

Ра́дуйтесь, иму́щии дерзнове́-
ние вопі́ти о нас ко Го́споду;
ра́дуйтесь, вели́цыи уго́дницы
Святы́я Трѳицы.



Рáдуйтеся, даровáньми единочѣстнии; рáдуйтеся, апóстолом единонрáвнии.

Рáдуйтеся, я́ко вáшими учѣньми дѣ́вно просия́ благода́ть Христо́ва; рáдуйтеся, рáзум свой в послуша́ние вѣры пленѣ́вшии.

Рáдуйтеся, блази́и дѣ́лателие виногра́да Христо́ва; рáдуйтеся, от ю́ности Бóгом благословѣ́ннии.

Рáдуйтеся, скóрби жити́я сего́ дóбре претерпѣ́вшии и да́нный вам талáнт приумно́жившии; рáдуйтеся, во́лю Бóжию си́льным мѣ́ра сего́ со мно́гим дерзнове́нием благовестѣ́вшии.

Рáдуйтеся, тьму нечѣ́стия отгна́вшии; рáдуйтеся, всю подсо́л-



нечную заря́ми догма́тов просве-
ти́вшии.

Ра́дуйтеся, тріе святи́телие, ве-
ли́цыи и вселѣнстии учи́телие.

Кондак 2

Ви́дя ерети́чествующих лю́тая
стремлѣ́ния, меч острѣ́йший про-
ти́ву сетѣ́й лжеучѣ́ний и огонь,
плѣ́велы суемѣ́дрія пояда́яй, свя-
ты́й Васи́лий яви́ся и, я́ко
па́стырь изря́днейший, обли́чив
лесть і́дольскую сво́им богодух-
нове́нным веща́нием. Научи́ ны
почита́ти Святу́ю Тро́ицу, разде-
ле́ну ўбо Ипостáсьми, соединѣ́ну
же Суще́ством, и вопі́ти Ей:
Аллилу́иа.



Икос 2

Ра́зум озарѣн благода́тию Хри-
сто́вою имѹще, я́ко апѡстолом
единонра́внии, правосла́вных дог-
ма́тов учѣния уясни́те и трѣе ве-
ли́цыи свети́льницы Триипоста́с-
наго Божества́ яви́стеся; ва́шими
бо вдохновѣ́нными писа́ньми оза-
ряема, Це́рковь Христо́ва свѣтло
красу́ется, и ве́рная ча́да ея́ в ме́-
ру во́зраста исполне́ния Христо́-
ва восхо́дят. Те́мже взира́юще на
бога́тство благода́ти Христо́вы, вам
дарова́нныя, я́ко просвети́тели на́ша
восхваля́ем вы, вопи́юще такова́я:

Ра́дуйтеся, богоно́снии небѣс-
нии та́инницы; ра́дуйтеся, пока-
я́ния немѡлчнии проповѣ́дницы.



Рáдуйтеся, сосúди избрáннии;
рáдуйтеся, премúдрии учíteлие
вселénныя.

Рáдуйтеся, в Божéственныхнх учé-
ниих Христóвых лю́ди наста́вив-
шии; рáдуйтеся, в повелéниях Гос-
пóдних всегда́ усéрдно ходи́вшии.

Рáдуйтеся, многоразли́чных до-
бродéтелей обря́ды в ва́шем жи-
ти́и яви́вшии; рáдуйтеся, сто́лпи
непоколеб́имии, ве́ру Христóву
Божéственными догма́ты утвер-
ди́вшии.

Рáдуйтеся, словéсное ста́до
Христóво мúдре упáсшии; рáдуй-
теся, Правосла́вия изряднейшии
богосло́ви.

Рáдуйтеся, свети́ла, вся концы́
земли́ просвеща́ющая; рáдуйте-



ся, свирѣль и цевніце сладко-
звучная.

Радуйтеся, тріе святителие,
велицыи и вселѣнстии учителие.

Кондак 3

Сила молѣний ѡтчих понуди
святѡго Григоріа Понт оставити
и в Назианз ко отцѣ своему,
помощи ради ему, преселитися,
идеже славу Божію учѣньми и
дѣлы вещаше и ересь арианскую
посрамляше. Тѣмже и нас, ве-
ликий святителю Григоріе, Бо-
жественнаго рая нетлѣнныя про-
ходя пажити, поминай у престѡла
Святѣя Троицы, да со умилѣнием
взываем Ей: *Аллилуѡа*.



Икос 3

Имѹще в сердцахъ светонѡс-
ную благодать Святѹя, Едино-
сѹщныя и Нераздѣльныя Трѡи-
цы, трѣе богопроповѣдницы,
разделѣннии телесѣ и совокуп-
лѣннии дѹхомъ, благочѣстно яве
проповѣдаша Трѡицу Едѣну непре-
мѣнную, Существо же и Божест-
во, и сию проповѣдь страданѣми
запечатлѣша. Тѣмже и мы, подра-
жающе вѣре ихъ, вопиѣмъ таковѣя:

Радуйтеся, сѣльныи и непре-
борѣимии Цѣркве Христѡвы спо-
борницы; радуйтеся, истины
Христѡвы усѣрднии ревнѣтели.

Радуйтеся, ко Пресвятѣй Трѡи-
це молѣтвенницы тѣплии; ра-



дуйтесь, Цѣркве Христо́вы пѣс-
тырие дѣбрии.

Рѣдуйтесь, А́риа низложѣвшии
и правосла́вныя утвердѣвшии; рѣ-
дуйтесь, Трѣицу Едѣну Непремѣн-
ную, Суще́ство и Божество́, де-
я́ньми и уче́ньми просла́вившии.

Рѣдуйтесь, Отца́, и Сы́на, и
Свята́го Ду́ха, Трѣицы Ипостѣси,
дѣвно уяснѣвшии; рѣдуйтесь,
Трисѣя́тельнаго рѣди и Едѣнаго
Божества́ велича́йшия скѣрби и
гонѣния претерпѣвшии.

Рѣдуйтесь, тяготу́ дневну́ю до
сконча́ния своего́ житѣя́ неосла́б-
но понѣсшии; рѣдуйтесь, но́щь
мра́чную злочестѣвых ересѣй лу-
ча́ми богому́дрых догма́тов от-
гна́вшии.



Ра́дуйтеся, ду́ши ве́рных бла-
годáтно напитáвшии; ра́дуйтеся,
Цáрствия ве́чнаго наслéдницы
бЫти сподóбившиися.

Ра́дуйтеся, трíе святíteлие, ве-
ли́цыи и вселéнстии учíteлие.

Кондак 4

Бúрю я́рости и гнéва воз-
двигóша, о Златоу́сте, безúмнии
лю́дие, клеvéщуще на тя и из-
гнáти от цáрствующаго гра́да
повелева́юще. Ты же, Златослóве,
на ка́мени ве́ры Христо́вы непо-
колебíмо пребывáя и благодáтию
Свята́го Ду́ха укрепля́ем, бúрю
гонéний и мучéний мýжественно
претерпéл еси́ и страда́ньми ве-



не́ц нетле́нный на Небесе́х себѣ
угото́вал еси́, науча́я всех в
терпе́нии нести́ Крест Христо́в и
взыва́ти Бо́гу: *Аллилу́иа*.

Икос 4

Слы́шаще богодухнове́нная
словеса́ ва́ша, запечатле́нная мно́-
гими по́двиги и страда́ньми,
жа́ждущии глаго́лов жи́зни ве́чныя
издале́ча к вам прихожда́ху, и
нетле́нную пи́щу от вас прие́мше
и Божество́ннаго пити́я почерпше,
взыва́ху вам сицева́я:

Ра́дуйтесь, глубины́ сло́ва Бо́-
жия до́бре испытáвшии; ра́дуй-
тесь, непреста́нным раче́нием
Бо́га взыска́вшии.



Ра́дуйтесь, а́лчущих пра́вды пи-
та́телие; ра́дуйтесь, ни́щих ду́хом
уте́шителие.

Ра́дуйтесь, о́блацы, исто́чающи
ро́су уче́ний благо́честивых и на-
пая́ющи вселѣ́нную; ра́дуйтесь,
присно́теку́щая ре́ки духо́вные,
напая́ющия ве́рных чад Цѣ́ркве
Христо́вы.

Ра́дуйтесь, Божѣ́ственных Та́ин
храні́телие и словѣ́сные тру́бы
Бо́жии; ра́дуйтесь, пра́выя ве́ры
и благо́честія христи́анскаго на-
саді́телие.

Ра́дуйтесь, чуде́сы мно́гими ве́р-
ныя оза́ряющи; ра́дуйтесь, ре́ки
врачевáний нам пролива́ющи.

Ра́дуйтесь, усѣ́рдно притека́-
ющія к вам от искуше́ний и



напа́стей моли́твами ва́шими
охраня́ющие; ра́дуйтесь, все́го
ро́да христиа́нского похва́ло.

Ра́дуйтесь, тріе святи́телие, ве-
ли́цыи и вселѣ́нстии учи́телие.

Кондак 5

Боготѣ́чную звезду́ Христо́с
ми́ру показá ты, вели́кий во
иера́рсах Васи́лие; стяжа́в бо
вѣ́дение Божѣ́ственных Та́ин и
озаре́ние свѣ́ше от престо́ла
благода́ти Бо́жия, у́мы и сердца́
вѣ́рных богодухнове́нными сло-
весы́ дѣ́вно просвети́л еси́,
любо́вию же к Бо́гу одушевля́ем,
гонѣ́ния и страда́ния за Христа́
до́бре претерпе́л еси́ и се́го



ради сподобился еси на Небесех
молітвеннаго дерзновѣнія у
престола Царя славы, образ быв
вѣрным словом, житіем, дѣхом,
любовію, вѣрою и чистотою,
да вси со умиленіем вопіють
Пресвятѣй Троице: *Аллилуіа*.

Икос 5

Видяще вас, святителие Хри-
стовы, небесным ликостояніем
присно спребывающія и пре-
стола Божію всегда предсто-
ящія, со умиленіем воспеваем
возвеличившую вас Живона-
чальную Троицу, Юже словом
и житіем вашим прославили
есте, вам же, молітвенником



изряднейшим, от любви сердечныя вопиём:

Радуйтесь, горним ликом совокуплѣнии и святыхъ Ангел сожитѣлие; радуйтесь, престолу Царя славы предстоящи прѣсно со всеми избранными.

Радуйтесь, славою небесною украшеннии; радуйтесь, плоть и мир возненавидѣвшии.

Радуйтесь, вся сокровища мѣра и житѣйскія сласти Христа ради во умѣты вменѣвшии; радуйтесь, на светозѣрную добродѣтелей колесницу возшедшии и Небеснаго Царства достигшии.

Радуйтесь, и нам, грѣшным, образ добродѣтелей словом и житіемъ явившии; радуйтесь,



многими скорбьми вшедшии в радость Господа своего.

Радуйтесь, теплии о нас пред Богом ходатаи; радуйтесь, православнаго богословия светила изряднейшая.

Радуйтесь, веры христианския похвало; радуйтесь, святителей славо и Церкви украшение.

Радуйтесь, трие святителие, велиции и вселенстии учителие.

Кондак 6

Проповедуя истину боговещанными твоими глаголы, сокрушил еси, богослове Григорие, эллинская суемудрия и ересей соблазны, вселенней же всей немолчно



проповѣдал есі в Трѡице сла-
вимаго Бѡга Единосущнаго, Отца
и Сына и Духа Святаго, научая
всех вопіти Емѹ: *Аллилуіа*.

Икос 6

Возсіяте свѣтом добродѣтель-
наго житія и правосла́вныя вѣры
исповѣданіем во всю вселѣнную
и всем языком свет ѣстиннаго
богопознания уясните, я́коже
быти вам па́стырем и учітелем
всея Цѣркве Христо́вы. Тѣмже и
по смѣрти не престаёте призира́ти
на ны, тёпле вам моля́щихся и
взыва́ющих:

Ра́дуйтесь, три свети́ла вели́кая,
путеводя́щая нас ко спасѣнію;



ра́дуйтесь, просветителие сидящих во тьме неведения.

Ра́дуйтесь, недомы́сленныя Та́йны Триипоста́снаго Божества́ нам уясня́ющии; ра́дуйтесь, стру́ями му́дрых учéний па́ству свою́ напая́ющии.

Ра́дуйтесь, па́стырие изря́днейшии, жити́е свое́ всякими добродéтелями благоукра́сившии; ра́дуйтесь, ста́до свое́ от волко́в хи́щных соблю́дшии.

Ра́дуйтесь, свети́льницы трисо́лнечнаго свéта, умы́ и сердца́ вёрных дивно́ озаря́ющии; ра́дуйтесь, о́бразы целому́дрия, ревновáти о стяжа́нии сея́ добродéтели нас науча́ющии.



Ра́дуйтесь, церко́вная корми́ла,
пу́ть правосла́внаго богове́дения
я́сно показу́ющая; ра́дуйтесь,
двана́десяти апо́столом едино-
на́внии.

Ра́дуйтесь, а́нгельских лико́в
сожи́телие; ра́дуйтесь, кúпно со
все́ми святы́ми непреста́нно мо-
ля́щиися о нас.

Ра́дуйтесь, тріе святі́телие,
вели́цыи и вселѣнстии учі́телие.

Кондак 7

Хотя змий лука́вый иску́сити тя,
я́коже Ё́ова многострада́льнаго,
воздвѣ́же бу́рю зло́бы нечести́-
вых, изгна́вших тя в заточе́ние.
Оба́че благода́тию Христо́вою ук-



репляем, всякая злострада́ния и
болѣзни до́бре претерпѣл еси́,
о́тче Ио́анне Злато́усте, и бла-
же́нныя кончи́ны сподо́бился
еси́. Ны́не же пребыва́я в неве-
че́рном дни Ца́рствія Христо́ва,
не преста́й моли́тися за ны у
престо́ла Триипоста́снаго Бо́га, да
со умилѣнием вопи́ем: *Аллилу́иа.*

Икос 7

Но́вии свети́льницы свето-
за́рнии и Це́ркве непоколеби́-
мии сто́лпи яви́стеся, святителие
вели́цыи: свѣтостію бо жи-
ти́я ва́шего, ещѣ во плóти
суще́ на земли́, бѣсте́ яко
безплóтны. Сего́ ра́ди Це́рковь



Христóва, прísно прославля́ю-
щи вас, благодарственная пѣ-
ния восписúет светода́вцу Хри-
стú Бо́гу, Егóже благодáтию
укрепля́еми, вѣлия болѣзни пре-
терпѣсте и труды́ понесóсте
во благовѣстии Христóве. Тѣм-
же прославля́юще Христа́, не-
престáнно благодѣ́ющаго Цѣркви
Своѣй Святѣй, восхваля́ем и
вас, я́ко вѣрных слуг Христóвых
и строите́лей Таин Бо́жих,
вопи́юще сицевáя:

Рáдуйтесь, вѣрнии Трóицы по-
бо́рницы; рáдуйтесь, Право-
сла́вия непобедíмии исповѣд-
ницы.

Рáдуйтесь, иерáрхов священ-
ноначáльницы; рáдуйтесь, лучáми



богослѡвія ва́шего ересѣй не-
ѣствовство разруші́вшии.

Ра́дуйтеся, пресвѣтлии благо-
чѣстія о́брази; ра́дуйтеся, вѣрныя
в боговѣденіи утверді́вшии.

Ра́дуйтеся, сло́ва Бо́жия бо-
годухновѣннии изъясні́телие; ра́-
дуйтеся, Влады́ки Христа́ раба́
блазі́и и вѣрнии.

Ра́дуйтеся, крѡтость Моисѣеву
и ре́вность Или́ну в по́двизех
свои́х воплоті́вшии; ра́дуйтеся,
терпѣніем скорбе́й и гонѣній
дрѣвнему Іову подража́вшии.

Ра́дуйтеся, Ио́сифа целомуд-
рием и чистото́ю украше́ннии;
ра́дуйтеся, Петро́во исповеда-
ніе и Иоа́нново богослѡвіе по-
каза́вшии.



Ра́дуйтеся, тріе святітелие, ве-
лицыи и вселѣнстии учітелие.

Кондак 8

Стра́нное чúdo благода́ти даро-
ва́нныя тебѣ, святітелю Васи́лие,
увѣде на себѣ Ефре́м Сириа́нин,
егда́ восхотѣвшу ему́ ви́дети тя,
о́тче, послал еси́ архидиа́кона
своего́ приве́сти его́ к тебѣ, и
моли́твою твоёю Ефре́м уразуме́
язы́к елли́нский и, чудеси́ дивя́ся,
просла́ви Бо́га, поя́ Ему́: *Аллилу́иа*.

Икос 8

Всю ве́ру во Святу́ю Тро́ицу
непо́рочно сохрани́те и мно́ги ко



Христу́ приведо́сте, святителие
Христо́вы, по́двигом до́брым
подвиза́вшися. Сего́ ра́ди, взи-
ра́юще на дѣ́вный по́двиг ваш
и на чи́стое жити́е ва́ше, со
умилѣ́нием вопи́ем вам тако́вая:

Ра́дуйтеся, Правосла́вия оде́ж-
дою, свѣ́ше истка́нною, Це́р-
ковь украси́вши; ра́дуйтеся,
ерети́ческая суесло́вия я́сно
обличи́вши.

Ра́дуйтеся, писа́ньми и словесы́
ва́шими духо́вное сокрови́ще
Це́ркви Христо́ве собра́вши;
ра́дуйтеся, му́дрость Бо́жию и
вся кра́сная ми́ра Христа́ ра́ди
отве́ргши.

Ра́дуйтеся, сокрови́щ небесных
па́че всего́ взыска́вши; ра́дуйтеся,



Пастыреначальника Христá, яко служителие вѣрнии, живонóсным стопáм послéдовавшии.

Рáдуйтесь, высóкий óбраз добродѣтелей в жити́и вáшем явívшии; рáдуйтесь, душévныя стра́сти, вкúпе же и телéсныя, духóвным мечém посéкшии.

Рáдуйтесь, Живоначальней Трóице в жéртву жíву, свyту и благоугóдну себé самíх принéсшии; рáдуйтесь, грéшников предстáтелие.

Рáдуйтесь, нíщих застýпницы; рáдуйтесь, пáстырей учíteлие и óбразы.

Рáдуйтесь, трíе святíteлие, велíцыи и вселénстии учíteлие.



Кондак 9

Всёю душою твоёю возлюбив
Бога, отче Григорие, боговид-
ную чистоту и целомудрие паче
всех избрал еси и богослов
великий и тайнник явился еси.
Ныне предстоя престолу Святыя
Троицы, испроси миру мир,
и спасение всем нам, восхваляю-
щим тя и поющим Богу: *Алли-
луиа.*

Икос 9

Витийством богодухновенным
трех вселенских святителей
еретичести соблазны престаша,
православная же вера паче и



пáче превозмóже. Сегó рáди от усérдия нáшего со умилéнием и любóвию вzywáем к ним та-ковáя:

Рáдуйтеся, любóвию Правослáвия все житиé вáше озарív-шии; рáдуйтеся, едíнаго Бóга в Трíех Лíцах чéствоватьи на-учívшии.

Рáдуйтеся, Áриево злочéстие и хулéния инýх еретикóв низложívшии; рáдуйтеся, лже-учítелей пребеззакóнная устá свётлостию словéс вáших за-градívшии.

Рáдуйтеся, небéсныя трýбы, проповéдавшия мíрови Христóво Евáнгелие; рáдуйтеся, во иерáр-сах светíла три вели́кая.



Рáдуйтеся, учíteлие крóтости, воздержáния, вкúпе же и покая́ния; рáдуйтеся, мона́шествующих дóбрии учíteлие и наста́вницы.

Рáдуйтеся, Цёркве ограждéние и Правослáвия побóрницы; рáдуйтеся, в труды́ апóстолов вшéдшии и клас дóбраго исповéдания пожáвшии.

Рáдуйтеся, за véру и пóдвиги венцы́ нетлénныя от Пастыреначáльника Христá приéмшии; рáдуйтеся, вели́кия труды́ и пóдвиги во благоустроéнии Цёркве Христóвы подъёмшии.

Рáдуйтеся, трíе святíteлие, вели́цыи и вселénстии учíteлие.



Кондак 10

Спа́са Христа́ умоля́ти не
преста́й о чту́щих па́мь твою́,
всехва́льне Иоа́нне Златоу́сте: те-
бе́ бо да́деша благода́ть моли́-
тися за ны. Те́мже и мы, я́ко ко
благоуха́ннаго ми́ра сосу́ду, то-
ча́щему исцеле́ния всем с ве́рою
притека́ющим, со умиле́нием и
любо́вию припа́дающе, вопи́ем
просла́вльшему тя Бо́гу: *Аллилу́иа*.

Икос 10

Стена́ естé необори́мая пражд-
нующим святую́ па́мь ва́шу
и всем притека́ющим к мо-
ли́твенному покрóву ва́шему, не-



посты́дная надéжда и крѣпкое
заступлѣние. Тѣмже и нам, святѣи
трѣе святѣтелие, со умиленіем
припада́ющимъ къ вамъ, испросѣте у
престо́ла Святы́я Трѣицы мѣлость
и благодѣть во благовре́менную
по́мощь, да съ радостію и бла-
годарѣніемъ взыва́емъ вамъ:

Ра́дуйтеся, мѣлость и утешѣ-
ніе всемъ вѣрнымъ явля́ющимъ;
ра́дуйтеся, ка́ющіеся грѣшники
отъ сетѣй діавола избавля́ющимъ.

Ра́дуйтеся, благодѣтныхъ дѣровъ
усѣрднии разда́телие; ра́дуйтеся,
всѣхъ челове́къ предста́тельство и
покро́ве.

Ра́дуйтеся, сы́рыхъ отцы́ и вдовъ
засту́пницы; ра́дуйтеся, убо́гихъ
бога́тство и боля́щихъ исцелѣние.



Ра́дуйтесь, милосе́рдия ко
стра́ждущим немол́чнии пропо-
ве́дницы и ю́ных наста́вницы;
ра́дуйтесь, ста́рец пита́телие.

Ра́дуйтесь, су́щих в ско́рбех
уте́шителие; ра́дуйтесь, стра́нных
сопу́тницы.

Ра́дуйтесь, изнемога́ющим по-
можéние; ра́дуйтесь, чту́щим
па́мь ва́шу ра́дость и спасéние
низпосыла́ющихи.

Ра́дуйтесь, тріе святі́телие,
вели́цыи и вселéнстии учі́те-
лие.

Кондак 11

Пе́ние Пресвяте́й Трѡице па́че
иныхъ принесли́ есте́, святі́телие



Божии, умом, словом, делом и богословным витийством вашим сплетения риторская разрушили есте, наставляюще ны почитати Троицу во Единице и воспевати Ей: *Аллилуиа*.

Икос 11

Светозарную троицу святых иерархов, Василиа, царствия тезоименитаго, Григориа, Богослова наименованнаго, Иоанна, Златоустаго учителя вселенныя, глубины Божия испытавших, восхваляюще и светлую память их благоговейно торжествующе, похвальная пения приносим таковая:



Ра́дуйтесь, благознаменітыя
тру́бы Божественных глаго́лов;
ра́дуйтесь, цевні́цы богодухно-
вѣнныя.

Ра́дуйтесь, апосто́льских пи-
са́ний богодухновѣннии изъяс-
нітелие; ра́дуйтесь, апосто́ль-
ских предáний ревнітелие.

Ра́дуйтесь, дѣ́вная вели́чія
Бо́жия всем земноро́дным по-
ведáющими; ра́дуйтесь, сла́ву
Бо́жию ва́шим жити́ем и сло́-
вом проповѣ́давшии всей все-
ле́нней.

Ра́дуйтесь, ко спасѣ́нію до́б-
рии путево́дителие и наста́вни-
цы; ра́дуйтесь, растлѣ́нных обы́-
чаев искоренітелие, благі́х же
нра́вов насадителие.



Рáдуйтеся, отрицáтися плот-
скѣхъ пóхотей и страстѣй научá-
ющеи; рáдуйтеся, врачеве пре-
мúдрии недúгов душѣвныхъ и
телѣсныхъ.

Рáдуйтеся, церкóвная светѣла,
от Трисóлнечнаго Свѣта воз-
жжѣнная; рáдуйтеся, цвѣты бла-
говóнии рáйскаго прозябѣния.

Рáдуйтеся, трѣе святѣтелие,
вели́цыи и вселѣнстии учѣте-
лие.

Кондак 12

Благодáть Бóжия обѣльно из-
ли́яся во устáхъ вáшихъ, тре-
блажѣннии: вѣра правослáвная
вáми укрепѣся, и мгла еретѣческихъ



шатаний и лжеучений светом
ваших богодухновенных писа-
ний отгнася. Темже, святителие,
молитесь ко Христу Богу, да
дух ревности ваша о вере и
благочестии почиет и на нас, да
сподобимся купно с вами пети
Святей Троице: *Аллилуиа*.

Икос 12

Поюще и светло празднующе
священную память вашу, тре-
блаженнии Василий Великий, Бо-
гослове Григорие и Златоустый
Иоанне, смиренно молим вас,
не престаите молиться Христу о
всех, верою призывающих вас и
с любовью вопиющих таковая:



Ра́дуйтесь, правосла́вных дог-
ма́тов храните́лие; ра́дуйтесь, бо-
госло́вия живонóснии исто́чницы.

Ра́дуйтесь, ве́рных серде́ца Бо-
же́ственне веселя́щи; ра́дуйтесь,
я́ко неосла́бными по́двиги ва́ши-
ми А́рий низложи́ся.

Ра́дуйтесь, я́ко огнём бого-
духнове́нных веще́ний ва́ших
Евнóмиева е́ресь попалі́ся; ра́-
дуйтесь, я́ко ва́шими богодух-
нове́нными глаго́лы Саве́лліа
е́ресь отгна́ся.

Ра́дуйтесь, я́ко мудрова́ние
Не́стора ва́ми упраздні́ся; ра́дуй-
тесь, о мі́ре моли́твенницы из-
ря́днейшии.

Ра́дуйтесь, к Ца́рствию Небе́с-
ному ве́рныя возводя́щи; ра́-



дуйтєся, Бѣжии гласи, пречудно
нам възгремѣвшии.

Радуйтєся, пастырей Цѣркве
достоподражательнии образи; радуйтєся,
по апѣстолу всем вся бѣвшии.

Радуйтєся, трѣе святителие,
велицыи и вселѣнстии учителие.

Кондак 13

О святителие Христѣвы и отцы
треблаженнии, Василіе Великий,
церковное светило и столпе
непоколебимый, Богослове
Григоріе, уме богосвещенный,
архиерѣю превеликий, вкупе же
и Златоусте Иоанне, покаяния



твёрдый проповѣдниче, небѣсным
спребывающе ликомъ и ангельским
совокупльшеся силамъ, нынѣшнее
пріёмше малое молѣние наше,
испросите намъ у всецѣдраго Бѣга
вѣшняя мѣслити и дѣяти, да
вѣчныя мѣки избѣгше, небѣсную
жизнь наслѣдимъ съ вами, вопиюще
Бѣгу: *Аллилуѣа*.

*Этотъ кондакъ читается три-
жды.*

Икосъ 1

Ангели земніи и человецы
Небѣснии, святителие Христовы
и отцы треблаженнии, побѣрницы
Живоначальные Троицы, от Нея



свѣтом трисѣлечным осияваніи и молящійся непрестанно у престола Триипостаснаго Божества о душахъ нашихъ, услышите ны отъ сердца къ вамъ взывающія:

Радуйтеся, имущіи дерзновение вопіти о насъ ко Господу; радуйтеся, велицыи угодницы Святѣя Троицы.

Радуйтеся, дарованными единочестіи; радуйтеся, апостоломъ единокровіи.

Радуйтеся, яко вашими ученьми дивно просія благодать Христова; радуйтеся, разумъ свой въ послушаніе вѣры пленивши.

Радуйтеся, блазѣи дѣлателие винограда Христова; радуйтеся,



от юности Бóгом благословénнии.

Рáдуйтесь, скóрби жити́я сего́
дóбре претерпéвшии и дáнный
вам талáнт приумно́жившии;
рáдуйтесь, волю́ Бóжию сýльным
мíра сего́ со мно́гим дерзнове́нием
благовестíвшии.

Рáдуйтесь, тьму́ нечестíа от-
гна́вшии; рáдуйтесь, всю под-
сóлнечную зар́ями догмáтов
просветíвшии.

Рáдуйтесь, трíе святíтелие, ве-
ли́цыи и вселénстии учíteлие.

Кондак 1

Избрáннии светíльницы Цér-
кви Христóвы, Васíлие, Григóрие



и Ио́анне, учёными ва́шими мир
просветѣ́вшии и вся шата́ния
ересѣ́й и ху́льных смущѣ́ния
угасѣ́вшии; яко ходата́и спасѣ́-
ния на́шего сущѣ́, моли́твами
ва́шими сохранѣ́те ны от всяких
бед и вѣ́чных мук, да с ра́достью
благодаря́ще вопи́ем вам:

Ра́дуйтеся, трѣ́е святѣ́телие,
вели́цыи и вселѣ́нстии учи́те-
лие.

Молитва

О пресвѣ́тлии светѣ́льницы
Цѣ́ркве Христо́вы, Васи́лие, Гри-
го́рие и Ио́анне, свѣ́том пра-
восла́вных догма́тов вся концы́
земли́ озари́вшии и мечѣ́м сло́ва



Бо́жия ху́льных смущѣнія и шата́нія ересѣй угасѣвшии; припада́юще к ва́шему милосѣрдію, с ве́рою и любóвию из глубинѣ́ душі́ вопі́ем: предстоя́ще престóлу Пресвяты́я, Единосу́щныя, Животворя́щия и Неразделе́льныя Тро́ицы, за Ню́же сло́вом, писа́нием и житі́ем до́бре подви́заете́ся и ду́ши своѣ́ положи́те, всегда́ моли́теся Ей, да укрепі́т и ны в Правосла́вии и единомы́слии, и непоколебѣ́мем да́же до смѣ́рти испове́дании ве́ры Христо́вы, и во вседуше́внем послуша́нии егó Цѣ́ркви Святе́й, да препоя́шет ны с высоты́ сі́лою на вся неві́димыя и ві́димыя врагі́



наша, да соблюдет Церковь Свою
незыблему от неверия, суевѣрия,
ересей и раскола, да дарует
архипастырем нашим здравие,
долгодѣнствие и во всем благое
поспешѣние; пастырем нашим
да подаст духовное трезвѣние и
рѣвность о спасѣнии пасомых;
правителем суд и правду, во-
ином терпѣние, мужество и
одоленіе на врагѣ, сѣрым и
вдовицам заступленіе, болящим
исцелѣние, юным благое в вѣре
возрастаніе, старцем утешѣние,
обидимым заступленіе, и всем
вся ко временней и вѣчней
жизни потребная, яко да в міре
и покаянии, желаніем спасѣнія
горяще, Господеви работающе,



дóбрым подвиго́м подви́зающе-
ся, течéние нáше сконча́ем
и сподо́бимся в Небéснем
Цáрствии кúпно с ва́ми всегда́
пéти и сла́вити пресвято́е и
великолéпое íмя Отца́, и Сы́на
и Свята́го Ду́ха во вéки веко́в.
Ами́нь.

Тропарь, глас 4

Я́ко апóстолов еди́нонра́внии
и вселénныя учíteлие, Влады́ку
всех моли́те мир вселénней
дарова́ти и душа́м нáшим вéлию
ми́лость.





Праздник собора трех святителей: Василия Великого, Григория Богослова и Иоанна Златоуста установлен в 1084 г. в Константинополе для прекращения возникшего тогда спора о том, кому из трех святителей должно отдавать предпочтение, так как одни ставили выше свт. Василия, другие — свт. Григория Богослова, третьи — свт. Иоанна Златоуста. Святители, явившиеся св. Иоанну, епископу Евхаитскому, объявили: «Мы у Христа составляем одно, нет между нами ни первого, ни второго, — каждый из нас писал учение для спасения людей Святым Духом. Итак, повели прекратить спор и совершать память нашу в один день».

**Акафист трем святителям:
Василию Великому,
Григорию Богослову
и Иоанну Златоусту**

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Колгарёв И. Е.
Дизайн обложки: Зимихин А. А.

Подписано в печать 12.01.2015.
Формат 70х90/32. Бумага офсетная.
Печать офсетная. Гарнитура Таймс
П. л. 1,5. Тираж 30000 экз. Заказ

Издательство «Благовест». Адрес: 123182,
г. Москва, ул. Авиационная, дом 13

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
www.idel-press.ru

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 787-50-72, (495) 942-53-72

8-800-333-11-78

звонок из любого региона России – БЕСПЛАТНО!